

Yeshua un Israelita; Yu di Dios, nos Baranka!!!

"Ata Mi Sirbidó ku Mi a skohe, Mi Stimá, den Kende Mi Alma tin Goso; lo Mi pone Mi Spiritu riba djE, i E lo Proklamá Hustisia na e paganonan. (Mateo 12:18).

Nos Baranka ta un Spiritu!!!

Pasombra manera EL a bisa; Esun ku no ta stima Mi no ta warda Mi Palabranan; i e Palabra ku boso ta tende no ta di Mi, ma di e Tata ku a manda Mi. "E kosnan aki Mi a papia ku boso, mientras ku Mi ta serka boso ainda. Ma e Konsolador; nos Yudansa, nos Baranka, nos Fortalesa, e Spiritu Santu, Kende e Tata lo manda den Mi Nòmber, E lo siña boso tur kos i hasi boso rekòrdá tur loka Mi a bisa boso. (Juan 14:24-26).

Nos Baranka ta un Spiritu!!!

Abo i ami ta un spiritu. Awor dikom mi ta bisa ku abo i ami ta un spiritu? Pasombra Dios Tata ta un Spiritu. Den Su Palabra tin skirbi ku E ta un Spiritu. EL bisa den Génesis; "Laga Nos traha hende segun Nos imágen, conforme Nos semehansa". I Dios a krea hende segun Su mes imágen; segun e imágen di Dios EL a krea hende; hòmbèr i muhé EL a krea nan (Génesis 1:26-27).

Den natural un hòmbèr ta otro for di un muhé. Fisikamente e hòmbèr ta otro. Mentalmente e hòmbèr ta otro. Emoshonalmente e hòmbèr ta otro. Nan a hasta studia esaki i e mente (selebro) di e hòmbèr ta funshoná diferente for di un muhé. Un hòmbèr ta reakshona diferente for di e muhé simplemente pasombra su mente ta funshoná otro. Pero tin skirbi: I Dios a krea hende segun Su mes imágen; segun e imágen di Dios EL a krea hende; hòmbèr i muhé EL a krea nan (Génesis 1:27).

Awor si e hòmbèr i muhé tin mesun imágen i conforme e semehansa di Dios Tata, esaki solamente kieren ku nan ta Spiritualmente meskos. Ora e hòmbèr bisa: "ami ta kome un appel", anto e muhé bisa: "ami a kome un pera", no ta tur dòs a kome meskos? Sigur ku si, pasombra maske den aparensia i fisikamente un appel i un pera ta diferente, tur dòs a kome un Fruta. Un Fruta ta un fruta. Asina aki ta ku Dios ta Un. Ta Un Dios tin manera ta skirbi den Efesonan 4:4-6. Ta pa esaki nos ta Un spiritu si nos ta yu di Dios. Dios Tata ta Unu ku Yeshua i Unu ku Spiritu Santu (Génesis 1:26). Abo i ami tambe ta konsistí di tres parti distinto, pero inseparabel te na ora di bandona e mundu aki; un Kurpa, un Alma (mente, boluntat, emoshon) i Spiritu Santu. (Eklestias 12:7 & Génesis 2:7).

Ta pa e motibu aki Dios Tata a Profetisá di nos Baranka!!!

"Ata Mi Sirbidó ku Mi ta Sostené, Mi Skohí, den Kende Mi Alma tin Delisia. Mi a pone Mi Spiritu riba djE; E lo trese Hustisia pa e nashonnan. (Isaias 42:1).

3 yanüari 2021

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.